

Àṅwà'ànè Paul a mbô ñghòtô BaFILIPI

NJI'INNŪ ANWÀ'ANƏ YŪ

A àṅwà'ànè yû aa a le ñṅwà'ànə Paul a noò yïi mə à le ntswe a atsaṅ a Roma aà. A ñjò'ò àla'a Filipi aa le ñghùrè baRoma, a bê àla'a yï wè a titii ila'a jii mə baRoma le si bu'utə a mbù'u Macedonia aà. Bi le si toṅə nî àtìi gold ghu, bə bî wè bî wè bi le nlo a Roma bo bi a ñjò'ò ila'a Itali jî mə'ò nzi ñghùrè ghu. Bi tigè ñghirə bê bii mə bi tswe ghu aa ni baRoma. BaFilipi bi le si tswòṅə ni nû jyaa nloṅ mə bi le nlògè waa ni baRoma aà. Ikum ala'a Filipi aa a le mfa 'Mfò Filip ta bi Alexandra yî Nwè.

Ntoo yï ñsigìnə a Filipi aa a le nzi Paul ni yu, a ntwoṅ Nwî, a ajaṅ mə à le nyə ñù a ñjèè təə təə a twoṅə ni waa mə bi zi ñkwetə waa aà (Ifà'a 16.8-10). Ñghòtə baFilipi ì le mbə mbèè ntii Paul, ì le si kwetə nii nî ifa'a ntoo yï ñsigìnə (4.15-16). Ñghotə mà yû ì le ntoo Epafroditus mə à gheɛ mfa njoo a mbo Paul a Roma (4.8). A ghèè mē, ñwo ñighòò ghu, baFilipi bi tswe nì ñbɔ'ɔ, a tigè ñlɔɔ mə yu wəṅsə bú bii tá mǎntii mi bé bya mǎ fwetə (2.25-30). Ma mùu ajaṅ, Paul à le ntigə ṅwa'anə àṅwà'ànə yuà a mbo bìsubika'á bi, baFilipi, a mfâ mǎbi'ikè nloṅ akòṅnə yaa nî àkwetə ya mə bo le ntoo aà.

A nî àṅwà'ànə baFilipi yû, bi yê àkòṅnə, ànnŭ mfâ mǎbi'ikə, nî ànnù ñidorè. Nidorè ni tswe fàa

mûm àṅwà'ànə aa a nì ìdigə tsi'í tsìmè. Mbə bi tse swon mə àṅwà'ànə ma yú à nî ikòò mə Paul à ṅwà'ànə nlonə nidorè. Ka mə Paul à le ntswe a atsaṅ aa, àb̄iint̄i yi a nu Nwĩ à le ṅghìrè a zĩ ñkwerê ìnnù tsìmè (4.11-13). Paul a k̄i n̄swon mā ànnù nlonə ajàn mə Kristo à le mmà'àtə abwarè yi tsõ Nwĩ a aburə, ñsigisə ib̄inú yi, ñlogə marè ñum̄isòṅ aà. Paul a tigè ñdi'itə n̄i b̄ə mə b̄i ka ṅe'esə Kristo, ñka nsigisə mib̄im̄inú myaa a n̄syə tsõ yu (2.5-110). Mə tā bo ka n̄taṅnt̄i a noò ṅgi'í, ñtsuu ìnnù ki wa'à, ñtsa'atə n̄i Nwĩ a n̄i ìnnù tsìmè (4.6-7).

Ñḡañdi'innũ mbwe'esə i le nzi n̄fa n̄i ṅgi'í a mbô ṅghòt̄ə lâ Paul a di'itə boò Kristo mə b̄i ka n̄syəsə waa (3.2), ñswon mə ànnù ṅú a tsinə a n̄si mi'í Nwĩ ñtsya aa tsi'í a n̄j̄im̄ àb̄iint̄i. Paul a swon ànnù ȳi mə a tsyàsə nii a m̄m̄ ñtswēnt̄i yu aà: Yu me'è ìnnù tsìm, n̄lɔɔ aa tsi'í a nzi Kristo mə a tsyàsə nii aa, ni m̄dà'à mi, i ki gha'asə nii (1.20-21; 3.4-10).

Bi yat̄ə àṅwà'ànə yú aa laà:

1. N̄ji'í ànnù àṅwà'ànə yú 1.1-11
2. N̄tswē Paul yumbɔṅə 1.12-26
3. N̄tswēnt̄i a mum Kristo 1.27—2.18
4. Atañt̄ə nlonə Timoti ni Epafroditus 2.19-30
5. Awà'àsə nlonə ṅḡañkib̄aa n̄tooo ȳi ñsigìṅə 3.1—4.9
6. Paul ni b̄isub̄ika'à bi baFilipi 4.10-20
7. Ìnnù j̄i mə Paul à le n̄swonə a n̄lw̄'isə 4.21-23

¹ Mə, Paul ni Timoti, ṅḡañfà'a Kristo Yesu, b̄i'í toò àṅwà'ànə yu aa a mbo b̄ə b̄itsim b̄i mə bo

ni bè bi Nwî a n̄j̄m Kristo Yesu, òtswe a Filipi aà, bo bi a mbo bìl̄i bi ndânwî ni bìkwetè bii mē bi kwetè nî àfà'a n̄ghotè aà.

² Tâ Taà yî'inè Nwîngòŋ nî Mmà'àmbî Yesu Kristo, tâ bo ghîrè ìbòŋ a nu bù, ñki mbòrisè ghuu.

Paul a fa miya a mbo Nwî òlon̄ n̄ghotè bàFilipia

³ Mē fa mbi'ikè a mbo Nwîngòŋ ghà a ngòŋ bìnòò bìtsim bii mē mē wa'atè nî ghuu aà.

⁴ A nî Ngòŋ bìnòò bìtsim a ajàn̄ mē yi ti tsà'atè Nwî a atu bù bitsim aa, òt̄i gha i luu n̄ òdorè nlon̄ ngaa yù.

⁵ Mē fâ nî mbi'ikè a mbo Nwî òlon̄ a jàn̄ yîi mē ni kwetè nàa a nsèènsè ntoo yî òsigìnè yû òlogìnè a njwi yîi mē ì le nzi a mbo bù a Filipi aa, nzi nywe'e sii aà.

⁶ Mē zi tsi'î annù n̄ñkòŋ mē Nwî yîi mē à le nlogìnè ifà'à yî sigìnè ma ghû a m̄nt̄i bù aa à ka yè mē yu man̄sè a njwi yîi mē Yesu Kristo à ka yi b̄ bì aà.

⁷ Mē wa'atè ma mùu ajàn̄ aa nlon̄ mē ànnũ yuu bìtsim a nan̄sè ntswe a nu mē tsi'î sigìnè aà. N̄i k̄i ntswe a m̄m ìbòŋ yîi mē Nwî à ghîrè a nu mē aà, a jàn̄ yîi mē mē tswe a ndâtsan̄ ts̄tsòŋ aa bo bi a noò yîi mē mē sa'a abèè ntoo yî òsigìnè yû, òswon̄è n̄i a mbo bè mē ànnù yîi mē mē swon̄è aa à n̄i tsi'î n̄too yî òsigìnè aà.

⁸ Nwî à zi mē mē swon̄è aa tsi'î ànnù mē ànnũ yuu a tswe a nt̄i mē tsi'î sigìnè, mē kòŋè n̄i ghuu

aa tsi'i nî àkòṅṅè yïi a tswe a ntii Kristo Yesu a kòṅṅè ghuu ghu aà.

⁹ Mə tsà'atə Nwî a atu bù mə tá àkòṅṅè yuu tá gha'atə ṅghɛɛ nî m̀b̀l̀i, tá m̀tsyê muu tá m̀i k̀i ṅgha'atə a ajàṅ yïi mə mbə nì zî ñtètê ìnnù,

¹⁰ tá zi a ntso'ò ànnù yïi mə a bɔṅ ṅghèè maṅsə aà, tá bə bə b̀i mə ànnù yaa a laà, kaa wa'à nî àlò'ò a noò yïi mə Kristo à ka ỳi b̀i b̀i ghu aa tswé.

¹¹ Tá Yesu tá à ghìrə mə tá nì ka naṅsə ṅghìrə nî ìnnù j̄i mə i tsiinə aà; ma mùu ajàṅ, tá nì ka ṅghu'usə n̄i Nwî, ṅgha'asə n̄i yi.

¹² B̀l̀m̀ b̀a, mə lòo mə tá nì zi mə ìnnù j̄i mə i fè'ɛ a nu mə aa, i b̀aṅṅè ṅkwetə a ṅghìrə mə tá ñtoo ỳi ñsigìnə ya tá i ku'usə ṅghèè bə nì m̀b̀l̀i.

¹³ Ma mùu ajàṅ, b̀isogyè b̀itsim̀ b̀i mə bi bɛ n̄i ñto'ò m̀fo faà a Roma aa bo bə b̀itsim̀ faà, b̀i zi mə mə tswe a atsaṅ fàa ntɔ'ɔ aa nlon annù Kristo.

¹⁴ Mbu ṅghèè ghu, a ajaṅ yïi mə mə tswe fàa atsaṅ aa, b̀l̀m̀ b̀i'ìnə b̀i ghà'atə bo ləè ñt̄i waa a nu Mmà'amb̄i, ṅku'usə ntigə nswonə n̄i ànnù Nwî n̄i àdà'à kaa wa'à n̄i ṅu tsù bú m̀bo'ɔ.

¹⁵ Lâ bə b̀i m̀ɔ'ɔ a tit̄i bo b̀i tswe ghu mə bi ghè'ènə naa, ñswonə n̄i ànnù Yesu ṅghìrə n̄i bə mə tá b̀i'ibo ka warənə ghu wàrənə, lâ bə b̀i m̀ɔ'ɔ b̀i k̀i ntswe ghu nswonə n̄i ànnù Yesu tsi'i n̄i àbòṅṅè nt̄i.

¹⁶ Ma buù bə bo swonə ma mùu ajaṅ aa nlon mə bo kɔṅṅə gha aà, ñzi mə mə kuu fàa atsaṅ aa mbi'i mə mə sa'a abèɛ ntoo ỳi ñsigìnə ỳu mə mə swonə aà.

17 Bè bí mɔ'ɔ bya mə bi ghè'ènè naa aa, bo swonɔ nî ànnù Kristo aà kaa wa'a ntiì waa ghu lèè bê, òlɔɔ bə mə tâ à yaa annù tâ à ka nghɛɛ nî mbĩ, tâ bə ka nyonɔ nî njĩm bo, ñghirə ma mùu ajàn aa, ñwa'atə nî mə bo ka kù'ùsə nĩj ɱgi'i a nu mè fàa a atsanɔ.

18 Ma yuu ànnù kaa a sĩ annù yìi mə mbə a ghirè mè kâ ñlwisə nî ñtòn bê! Mə doritə a nyə mə bi swonɔ nî ànnù Kristo nî bìmânjĩ bitsimè; kè bi swonɔ aa nì mbwe'esè oò, kè nî ñtiì waa tsimè oò, bon mè aa ki doritə tsi'ì dòritə.

Paul à tswe fàa mbi aa a ɱgha'asə Yesu

19 Tsi'ì ànnù nĩjkonɔ mè ka ki doritə nlon mə mè zi mə Nwĩ à ka yu'u niyè'è nuu tâ Azwĩ Yesu Kristo tâ à kwetə gha ɱghirè tâ mè fɛ'ɛ fàa atsanɔ.

20 Mə nanɔsə nyə'ətə nî ñtiì ghâ tsim, ñkii mbe nî mə kaa mè ka wa'ă annù ndirə àtu yĩ tsu lô ñghirè bê, i bànɔnə yə mə, a ɱgòn bìnòò bĩtsim, tsĩtsòn bo bì tsi'ì a ajàn yìi mə mè kì si ghirə a mbĩ aa, mə mè ka ki nanɔsə gaansə nì mĩtĩ ma a ɱgha'asə Kristo a nu mè, kè mè tswè ñtiì fàa atu nsye, kè mè kwò kwò oò.

21 Nlon mə a mbo mè, ñtswéntĩ yà faa mbi, ì nì aa bə Kristo, mè bə tɛ'ɛ ki kwo kwo bon a ka bànɔnə bõj tsyàtə a ntswe fàa mbĩ.

22 Lâ mbə a bə yìi mə mè ka bũ tswe faa àtu nsye bon a bə mə mè ka bũ fà'a innù jĩi mə i ka kwetə bê aà. Lâ kaa mè si annù yìi mə mè ka tso'ɔ aa zi bê.

23 Ma muu ajàŋ mē tēə a titìi ñkì. Annù yìi mē mē yè'ètè aa à nî ñlo ñghèe ntswe bǐ'i Kristo ñlonj mē ma yú ànnù a bōŋə a nu mē ñtsyatē mbǔ ntswe fàa mbì.

24 Là ñlonj ñgaa yùù, a ku'unə mē tâ mē bu ntswe fàa mbì, tǎ kwetə ghuu.

25 Tsi'ì ànnù ñìkōŋə, a nì ànnù yìi mē mē ka ghìrə aà. Mē zi mē mē ka bǔ ghèè nî mǐi a ntswe bi'inè fàa mbi tǎ kwetə ghuu tâ nì ka ñkwi ñghèe nì mǐi tâ ñìdorè nuu nì kii ñgha'atə a mum àbiintìi yuu.

26 Mē bə fè'ε i zǐ tsi'i ghuu bōŋ a ka ghìrə mē tâ ñtìi ghuu i luu nì ñìdorə ñlonj annù yìi mē Kristo Yesu à ghìrə a nu mē aà.

Akòrə ñitəə nì bə bi Yesu

27 Là ànnù yì wè a nì mē tâ mighìrənəmìnnù muu tâ mì ku'unə a ajàŋ yìi mē ñtoò Kristo yì ñsigìnè i lòò aà. Tà bεε mē a fe'ε mē mǐbə mē zǐ nyə ghuu kè ñgaŋ, mē yu'u mē nì tēə ñnìŋtə akòrə yuu a nsyε, mǐbòònsə ghuu ñkwərə, ànnǔ yuu a bə yi mɔ'ɔ, nì tó bitsim mē tâ ànnǔ ntoo yì sigìnè yìi mē nì bǐi aa, tâ à ka ñghèe nî mǐi,

28 kaa wa'à nì ñgàŋkìbàà juu bɔ'ɔ bə. A bə bə ma mùu ajàŋ bōŋ à nî àlènsə mē a naŋsə ndi'i nì mē Nwǐ à ka dǐ ñgi'i a nu bo, i bāŋnə yweensə ghuu.

29 A bōŋ mē tâ nì zi mē, Nwǐ yìi mē à ghìrə ìbòŋ a nu bù mē nì ñìŋ ñtìi ghuu a nu yu, ñlonj ñgaa Kristo aa, a kii ñghìrə aa ìbòŋ a nu bù mē tâ nì kii nyə nî ñgi'i ñlonj ñgaa yì.

³⁰ Ma mùu ajàŋ, nì yə mə ntsò ma ghù mə nì to aa, i kì mbə aa ntsò yìi mə nì kì nyù'u mə mə to, ìki mburə aa kì to ñzi ywe'e sii aà.

2

¹ Tsǒ mə bu bì Kristo boonse a gaansè nì m̀tiì muu aa, tsǒ mə a k̀ŋè nì ghuu nlə'ətə nì ǹtiì ghuu aa, tsǒ mə nì b̀onsə bu bì Azwĩ Nwĩ aa, tsǒ mə nì zì ñk̀ŋnə ghuu bu nì bù, ñki zi ŋko m̀l̀ŋnə ghùù bu nì bù aa,

² a ku'unə mə tâ nì boonse ghuu ntswe nì ànnù yì f̀ùùrè, ñka ñk̀ŋnə ghuu bu nì bù, ñghirə nì mə tâ ǹtsù ghuu ì bə yì m̀'ɔ tá tâ ǹtiì gha i luu nì ǹdorè.

³ Nì tsuu kì yu'u tsi'ì à yuu annù bə, ǹtsuu nú yùù kì ñee bə, m̀baŋnə ñka sigisə nì ìb̀inú ghuu bə a nsyè, ñka ñwa'atə nì mə bə bì m̀'ɔ bì tsyatə ghuu.

⁴ Tà nì tsuu tsi'ì ìnnù j̀i mə i kwetə ghuu aa kì ghìrè bə, nì k̀i ñghirə nì ìnnù j̀i mə i kwetə nì bə bì m̀'ɔ aà

⁵ Tà ìnnù j̀i mə nì m̀ontè nì a atu bù aa tâ ì bə j̀i mə Kristo à le si k̀i m̀ontə aà, ǹlii nì ìnnù tsǒ yu:

⁶ Ka mə bo Nwĩ le ntswe nì m̀arè yì m̀f̀ùùrè aa, kaa à le ñwa'à kà ǹtiì nì mə yu d̀'ì mə bo Nwĩ ku'unə.

⁷ Lâ, à le m̀baŋnə ñləə ma juù ìnnù fu, ñsigisə ìb̀inú yì a nsyè, m̀baŋnə ntigə ǹogə marè ñgàŋàfà'à, bì jwĩ yì tsǒ ñù m̀s̀ŋ.

⁸ A bəŋ mə ǹtigə ñù m̀s̀ŋ aa, ñsigisə ìb̀inú yì a nsyè,

nyu'unə Nwī, mbii niwô, bi zwitè yi,

Bî ghèè mē mē bi ki zwitè yi zwitè aa,
 ntigə mburə ɲkweentə yi bə a ati bəɲnəbəɲnè!
 9 Ma mùu ajàɲ, Nwī a tigè ɲnaɲsə ɲɲentə yi a
 ɲdəɲ,

mfa ikum yīi mē i kɔ'ɔnə ntsyà mikum mîtsim
 aà,

10 tǎ bεε mē bè bîtsim bi yi nyu'u ikum Yesu,
 a aburə, kə a nsyε, kə bə a bəɲnsyε,

bi swétè mîkù'ùtǎ myaa a nsyε ɲgha'asə yi,

11 tǎ bè bîtsim bi bii nî ɲsi nî ɲsi mē Yesu Kristo
 à nî Mmà'ambî,

ntigə ɲgha'asə nî Taà yī Nwīɲgòɲ ma mùu ajaɲè.

*A bɔɲ mē tâ bɔɔ bi Kristo bi bə tsǒ mɲɲkà'à
 fàa mbī*

12 Tsǒ mē a bə ma mùu ajàɲ aa, ika'á já jīi mē
 mē kòɲə aa, tsi'í a ajàɲ yīi mē ni tɛ'ε yu'unə nàa
 a ɲgòɲ bìnòò bîtsim a noò yīi mē mē tswe bi'inè
 aa, a bɔɲ mē tâ ni ku'usə ɲghèè nî mbīi a yu'unə
 mē tsîtsòɲ mē kaa mē sî a titii bù tswé aà. Nî ka
 mbɔ'ɔ Nwī tâ ɲtīi ghuu ka ntsiginə, ɲka ɲgaansə
 ni mîtiî muu a ɲghirə ɲnnù jīi mē i ku'unə aà ta
 yī ji ilòɲè.

13 Nlɔɲ mē Nwī a fà'à a mîntii bù, ɲghirə ni
 mē tâ ni ka ɲkɔɲə a ɲghirə ɲnnù jya jīi mē a lòò
 ni mē tâ ni ka ɲghirə aà, ɲkii mfa nî mîda'a mē
 tâ ni ka mfa'a nî ɲnnù ma jú mē i bòɲè nii aà.

14 Nî ka ɲghirə ɲnnù tsim ɲtsuu ki nnurikə, kə
 ki lìgìtə bē;

15 tǎ bə bɔɔ bi Nwī bii mē mbə bi wa'ǎ ifirǎ
 waa fâ, mîntii myaa mi laa, kaa àlò'ò a wa'à a nu
 bo tswé bē, ɲtswe a titii ɲwàà ni bə bīi mē bi

ghirè innù jī bi kaa ìnnù jyaa i wa'à tsinè aa, lâ nì bânghè nta nī titi bo tsó mánkà'à fàa mbī aà.

¹⁶ Nì tswa nighàà ni Nwī nú mē ni fa ntswénti a mbo bè aa ntugitè, tâ a yi mbə wa njwi yī mē Yesu à bu mbī aa, òti gha i luu nì nìdorè a nyè mē kaa mē lɛ ŋwa'à nú yà laa a dānè dānè zwī, kè mē kaa àfà'à yī mē mē lɛ mfà'à aa, kaa a lɛ ŋwa'à aa atu dānè dānè tsyā.

¹⁷ Ajān yī mē nì nīn nti ghūu a nu Nwī aa, a bə aa tsó ayoo mmà'anwī, mbə a tɛ'ɛ mbə mē bi ka zwitè gha zwitè, i lógə aləə nú ya i kūrə ma mùu atu ayoo mmà'a Nwī, bən nú yà i ka bònè tâ mē ka ndoritè bi'inè nì bù bitsimè.

¹⁸ A bən mē ta nú yùu i kīi mbənə tâ nì kīi ndoritè tsó mē.

Timoti bo Epafrodito

¹⁹ Mə wa'atə a wānsə ntoo Timoti a mbɛɛ bù, a ajan yī mē mbə Mmà'àmbī Yesu a bii, tâ à zi nyè ghūu mbu mbī nswonə a àjan yī mē nì bə aà tâ nti ghā i ìdoritè.

²⁰ Kaa nù tssù kaa sè ghu tswè tsó Timoti mē a kīi wa'a nī ìnnù tsi'ī a annù nīnkon nlon ŋgaa yùu nìlɔ ni mē tâ nì tswe i siginè.

²¹ A titi bo bitsim, nù tsim a yu'u aa tsi'ī yī annù, ñghirè tsi'ī ànnù yī mē a ka kwetə atu mbī nú yī, kaa wa'à nī ànnù Yesu ghirè bē.

²² Lā a ŋghèè ni Timoti, nì zi nū yī mē à ni ghū aà, nì zi a ajān yī mē a fà'à bi'ī yu tsó mu bo taà yī, a nsènsə ntoo yī n̄siginè yu aà.

²³ Aa ànnù yī mē mē wa'atə a ntoo yu, a mbɛɛ bù, a noò yī mē mē ghènsə nzi a ajān yī mē ìnnù i ka ghèè nì mē faà aà.

24 A nghèe ni mè, mè nàņsə mbii a nĵĭm Mmà'àmbi mə, mu fĭbàņtə lâ, tâ mè kĭ nzi yàa nġaa.

25 Mè m̀òntə mə a ku'unə mə tâ mè too mumaà yĭ'inə Epafroditus tâ à bu mbĭi fu a mbo bù. A ni yu yĭi mə bĭ'i yu fà'à mē ĩki nto ntsò faà bitsimè; a kĭ mbə yu yĭi mə nĭ kĭ too mə tâ à zi nġwetə gha mfa nġoo ĵĭi mə mè kĭ si boņə aà.

26 Ntiì yĭ ĩ yè'ətè ni a nyə bù bitsim, a kĭi nġəņə si'i nloņ mə nĭ kĭ yù'u mə yu kĭ si ghòò aà.

27 Tsi'i a annù nĭņkonè, à kĭ ghòò ntigə tsi'i a nġkwô. Lâ Nwĭ a ko m̀lĭņnê yĭ; kaa wa'à aa tsi'i yĭ ko bē, à kĭ kĭ nġko aa m̀lĭņnè ghà tã tâ nġĭ'i yĭ dāņ tâ ĩ wa'a bù nzi nġkù'ùsè yĭi mə mè tswə ghu mum aà.

28 Mə nāņsə nlɔɔ a ntoo yu a mbo bù ta tâ nĭ doritə a mbu nyə yu, tã tâ ntiì gha ĩ boɔ mfwetə.

29 Bεε a zi, nĭ kwerə a nĵĭm Mmà'àmbi ni nĭdore; a boņ mə tâ nĭ ka mbo'otə bē bĭi mə bĭ bə tsǒ yu aà.

30 Nloņ mə à kĭ ghèə kwo nloņ ifà'à Kristo, nĭnĭņə atu yĭ a ntsu nĭwo a mfà'a ta māņsə àkwetə yĭi mə nĭ kĭ tswə nĭ nfa a mbo mə aà.

3

Nù yĭi mə m̀nnù mi mi tsinə aa, à ni nù yĭi mə a nĭņ ntiì yĭ a nu Kristo aà

1 Bĭlĭm bâ, mboņ mə māņsə, mè swǒņ a mbo bu mə tâ nĭ ka ndoritə a mum Mmà'àmbĭ. Kaa mè ka wa'à kaa a nġkwatə nġwà'ànê ĩnnù ĵĭi mə

mè tè'è mē n̄foo ηηwà'ànè a mbo bù aà, n̄lon mē i ka be ghuu tâ n̄i tsuu lõ wò.

² N̄i ka n̄tsyese gh̄uu n̄lon mbu j̄i bi jyâ, bè bya mē bi bù'u innù j̄i bi aà, bè bya mē bi tsə̄n n̄u jyaa laà; tâ n̄i ka n̄tsyese gh̄uu n̄lon ηгаа yàà.

³ A bē b̄i'inè mbē bē b̄i mē Nwī à ηètē waa tsi'ī annù n̄iηkon̄, b̄i'inē gha'asē Nwī aa ni Azwī yi, n̄doritē aa n̄lon mē b̄i'inè ni bè bi Kristo aà, kaa wa'a m̄int̄i m̄i'inè aa bē ni innù n̄jyã nu lèò bē.

⁴ Ka mē mbē mē tswe n̄i à j̄an̄ ȳi mē mbē mē k̄i nlə̄o n̄tī gha a ni n̄joo n̄jyã nu aà. Mbē bè b̄i tsu bi tswe faa mbi mē bo tswe n̄i n̄lè̄o n̄tī waa ni ànnù n̄jyã nu, b̄on̄ mē tsyātē waa b̄ītsimē.

⁵ A yò̄n̄ə n̄ò̄̄sè ȳi'ī, bi le ηètē gha aa a noò ȳi mē mē le mbē n̄jwi ji n̄ifwaa aà; mē bē ηù bàIsrael, m̄fē'ε a η̄gwè'ε nda Benjamin, m̄bē mu baHeber ȳi mē á jwe bàHeba aà. A ηghè̄ε n̄i ànnù nlə̄o n̄di'ī bàYuda, mē bē ηù bafarisai.

⁶ A ηghè̄ε ni à̄j̄an̄ ȳi mē mē le si t̄ī ni ànnù Nwī aa, mē le si tso'ò ni àkòrē ηghotē boo bi Kristo; m̄bu ηghè̄ε bē n̄i annù ηgh̄irē ìtsin̄ənnù, a n̄yon̄ə n̄i ànnù nlə̄o n̄di'ī Moses, kaa àlò'ò ȳi tsu kaa a le ηwa'à a nu mē tswē bē.

⁷ Ma juù innù mē i le mbē afù'ù a mbo mē aa, mē lògē mē à ni b̄wye n̄lon̄ə Kristo.

⁸ Tsi'ī annù n̄iηkon̄, mē lògē n̄joo tsim̄ j̄i mē mē tswe ni ju aa tsó b̄wye, n̄lon̄ mē a n̄zi Kristo Yesu N̄gàn̄mà'a ghà, a b̄on̄ n̄tsyātē n̄joo tsi'ī tsim̄ f̄aa mb̄i. Mē mē'ə n̄joo tsim̄ n̄lon̄ ηгаа ȳi, n̄tīgē n̄lii n̄i n̄joo tsim̄ tsó n̄tsà'à ta tswe ni Kristo;

⁹ i boonsē n̄tswe bi'ī yu tã tâ ìtsin̄ənnù j̄i mē

mə ghìrə aa, tâ tsee bə a mbo mə ǎ lǎ lò bē, ñyɔŋ nàa a jǐm àjàŋ yǐi mə mə ləè ndi'ì Moses aà. Tá à baŋnə mbə bē a ajàŋ yǐi mə mə ñŋ ntìi gha a nu Kristo aà; m̀bə itsinənnù jǐi mə Nwǐ a fa a njǐm àb̀iintìi aà.

¹⁰ Annù yǐi mə mə lɔɔ aa, à n̄ n̄zǐ Kristo, i tswe ni m̀dà'à mya mə à tswe ni mu nlon mə à lɛ nyweenə ni n̄wo aà. Mè k̄i n̄lɔɔ n̄ ñyê ñḡi'ì ya yǐi mə à lɛ nyə aa, i k̄i bəŋ tigə bə tsǔ yu i bii n̄wo n̄i mə à lɛ ñkwo aà,

¹¹ tà bɛɛ mə m̄n̄jǐ a tswe ghu mə k̄i nyi nyweenə ni n̄wô yàa ñgaa.

Paul a Gaansə Mit̄i mi

¹² Kaa mə si lɔɔ aà ñswonə mə mə tswè m̄ n̄i ñjoo mà j̄u mə mə wa'atə a ntswe n̄i j̄u aà; kaa mə wa'à k̄i n̄lɔɔ aà ñswonə mə Nwǐ à fà'à mə ifà'à yi a nu mə maŋsə; lâ mə gaansə mit̄i m̄a a ntswe n̄i j̄u n̄lon mə Kristo Yesu à ghìrə m̄ə mə tâ mə bə yǐ aà.

¹³ B̀l̄im b̄a, kaa mə si m̄ɔ̀ntə mə mə ywè'è m̄ə a adigə yǐi mə mə tswe n̄i ñkwe ñkɔ'ɔ ntəə ghu aà; lâ ànnù yǐ fùùrè a tswe ghu yǐi mə mə ghìrè, mə mà'at̄ə ìnnù jǐi mə mə tsyà m̄ə m̄ma'atə a njim aa, ñgaansə n̄i m̄it̄i ma m̄furitə n̄i njoo jǐi mə i tswe a mbii aà.

¹⁴ Mə khè tsi'ì n̄i m̄it̄i ñghɛɛ ni a adigə yǐi mə mə tè'ɛ mi'ì ma ghu aà, ta ghèɛ kwɛrə miyàrìnə mi ñgu'u mi afà'à m̄i mə Nwǐ a twonə nàa mə tâ mə kɔ'ɔ ñkwɛrə, n̄tsya aa a j̄im Kristo Yesu aà.

¹⁵ A bəŋ mə b̄i'ìnə b̄i mə bi kwè m̄ə, n̄twiŋtə m̄iŋḡəŋ mi'ìnə a nu Kristo aa, tâ b̄i'ìnə tswe ni àm̀ɔ̀ntə ma yu. Kè bɛɛ mə ñù tsù a tè'ɛ ntswe

ghu mə a mòòntə annù yi adàŋ boŋ Nwĩ à ka kii ghìrè ta nì zi.

¹⁶ Lâ ànnù yĩ wè a bə aa mə tâ bi'inè tswa annù yĩ mə bĩ'inè tswè mê ni yu aa ntugitə tâ à tinsə.

¹⁷ Bìlîm bâ, tâ nì yoŋ ŋka ŋɛ'esə nàa tsɔ̀ bə bĩ mɔ̀'ò, ñghirə nĩ ìnnù jii mə bĩ'i ghìrə aà; ñkii nlii nĩ bə bĩi mə bi yònè nĩ ìbù'ù m̀kòrə jĩ'i aà.

¹⁸ Mə swoŋə laà aa, nloŋ mə bə bĩ mɔ̀'ɔ̀ bi tswə ghu mə bi ghìrə ìnnù tsɔ̀ bə bĩi mə bi bàa atibàŋnè bəŋnè ya yĩ mə Kristo à le ŋkwo ghu aà. Mè tè'è mê m̀foo nswoŋə annù ma yũ a mbo bù, à ni tsi'ĩ yù mə mə kii mbu ŋkwatə nswoŋə nì m̀l̀àà a mi'i mè aà.

¹⁹ A ka yi kì bə a n̄im tâ Nwĩ à niŋ isa'a a nu bo, ñloŋ mə bo lògə ato'ò yaa laa tsɔ̀ nwĩ wàà, ñtswoŋə nĩ nũ yàà ñloŋ njoo jii mə boŋ i bəŋnè ñghirə nì mə tâ àtũ yaa ka ndirə, nte'ε atu yaa nĩ ñjoo mbi jù.

²⁰ Lâ ñghɛɛ nì bĩ'inè, àla'à yi'inè a tswə aa a aburə, bĩ'inè yu'utè nì Ngànywèensə yi'inè, Mmà'àmbĩ Yesu Kristo mə tâ à lo ghu nzi.

²¹ A bə zĩ, boŋ à ka lògə mida'a mya mə mi ghìrè nì mə tâ ñjoo tsim tá ì ka yu'unə n̄i aa, i kwensə aborikə nũ jĩ'inè jũ tâ ì tigə mbə tsi'ĩ tsɔ̀ yĩ ya yĩ mə i ñwèènè nì n̄fò aa.

4

Adi'itè Paul a mbo bɔɔ bi Kristo

¹ Bìlîm bâ, wa mə n̄ansə kòŋə ghuu, n̄t̄i gha i yə'ètè nì a nyə bù. Nì ghìrè mə tâ n̄t̄i gha tâ ì luu nì n̄idorè, nì ki mbə miyàrìnè mi ñgù'ũ mâ.

Bìsù ba bìi mē mē kòṅə aa, nì naṅsə ntəə ntii, ñswetə mîṅgǎṅ muu tá mì tso a nú Mmà'àmbí.

² Mē bu'u mbo a mbo Evodia bo Sentikə mē tá bo boonse tá ànnù yaa tá à bə yi mɔ'ɔ a njim Mmà'àmbí.

³ Mē bù'ú mbo a mbo wò, ṅù àkòrə ghà mē si fà'a aa, mē ta ò kwetə bāṅgyè ma bù ñlon mē bo fa'a bi'ibo a nswonə ntoo yí ñsigìnə bi'ibo nì Clement nì bə bi mɔ'ɔ bìi mē bi'ibo kii mfa'a, mìkùm myaa mē tswé a mûm àṅwà'ànə ntswëntii aà.

⁴ Nì ka ndoritə a mum Mmà'àmbí a ṅòṅ bìnòò bîtsimè; mē bu ṅkwatə nswon mē ta nì ka ndoritə.

⁵ Nì ghìrə tá bə bîtsim yə mē nì tswa mîntii muu, ñlon mē nòò nzi Mmà'àmbi à tigə a bo aà.

⁶ Nì tsuu nú yùù ki wa'a nlon annù tsu bē. Nì ka ntsa'atə Nwí nlon ṅòṅ ṅjòò tsim jii mē nì lòò aà, mbu'u nî mbo ghu mbo, mfa nî mbi'ikə ghu mbo, ṅghìrə tá à zi njòò tsim jii nì lóò ghu mbo aà.

⁷ Ma mùu ajàn bon m̀bɔɔnə Nwí yii mē ì tsyàtə mitsyè mi bē aa, ì ka ghìrə tá mîntii muu bo bì ìm̀d̀ontənnù juu tswe a mum Kristo Yesu.

⁸ Bìlîm mbá, ànnù yi nlwí'ínjîm yii mē mē ka nswon a mbo bù aa, a nì mē tá nì tɛ'ɛ atú yuu nî ìnnù jii mē i nî ànnù nîṅkon aà, bo bì a nî innù jii mē i ku'unə a mbo'otə aà, nì jii mē i tsinə aà, nì jii mē i laa aà, nì jii mē bə kəṅ aa, bo bi nì jii mē i bon aa; bɛɛ mē ànnù yí tsu a tɛ'ɛ ntswe ghu mē a bon ṅghèè m̀manse, kə yí tsu yii mē a ku'unə a gha'asə aa, a bon mē tá nì ka ṅwa'atə ma yùù ànnù.

⁹ Nì ka nghirè innu tsìm j̄i mə ni yəgə a mbo mə aa, kə j̄i mə nì Kwèrə a mbo mè, kə j̄i mə nì yu'u a ntsũ mè aà, kə bə j̄i mə nì yə mè ghìrè aà. Nì bə kì ghìrè ma juù innu boŋ Nwĩ ȳi mə a bərisə n̄i bə aa boŋ à ka tswe bu bo.

Paul a fa miya a mbo baFilipia ni njoo j̄i mə bo le mfa ghu mbo aà.

¹⁰ Mə nanşə ndoritə tsi'ĩ sigìnè a mûm Mmà'àmbi nloŋ mə, ka mə àgha'à a sà'à mē a ajàn ȳi mə nì le si lòò a ŋkwetə mè aa, nì tswè mē nì m̄anj̄i a ŋkwetə mè tsìtsòŋ. Tsi'ĩ ànnu n̄ikonə, nì le si wa'atə nàà, lâ kaa wa'à a ajàn ȳi mə mbə nì tsyâ ŋkwetə gha ghu aa b̄an̄nè n̄zi.

¹¹ Kaa mè s̄i laa swon aa nloŋ mə àyoò tsu a wɛ'ɛ a mbo mè b̄e. Mè yègè mē nzi a ŋkwèrə ŋgǒŋ innũ tsìm j̄i mə i fè'è a nu mè aa nì n̄idorè,

¹² Mè z̄i n̄nsigis̄e ìb̄in̄u gha a nsye, ŋki nzi a tswe a noò ȳi mə njoo i gha'a a mbo mè aà. A tɛ'ɛ i bə bə mə akə boŋ mè yègè mē n̄zi a tswe nì njoo j̄i ghà'à ŋgha'a, ŋki nzi a ntswe nì nj̄i. Mè z̄i n̄tswe a noò ȳi mə n̄d̄a ì lùu nì njoo bo b̄i a noò ȳi mə n̄d̄a ì yòo aà.

¹³ Mbə mè tse ghìrè innu tsìm a nj̄im yu wa ȳi mə a fa n̄i m̄id̄a'à a mbo mè aà.

¹⁴ L̄a a k̄i b̄on̄ mə nì k̄i ŋkwetə gha a noò ȳi mə mè k̄i tswe n̄i ŋḡi'ì aà.

¹⁵ Bù baFilipi, itu ìb̄in̄u ghuu, nì zi mə a ajàn ȳi mə mè le nlògìnè ŋka nswonə n̄i n̄too ȳi n̄sigìnè ȳu aà, a noò wa mə mè le ŋka nlo Macedonia aa, kaa ŋghot̄e n̄d̄anw̄i ȳi d̄an̄ kaa ì le ŋwa'à ghu tswe mə ì le mbii mə bo ka k̄i fa n̄i

̀njoo a mbo m̀e, k̀e kii kwere ni ̀njoo a mbo m̀e, ntsyatə ghuu.

¹⁶ Nlon mə, ɲghɛɛ bə a ni noð wa yïi mə m̀e le ntswe a Tesalonika aa, ǹi le ntoo njoo a mbo m̀e a ɲgaa jï ghà'at̀e, ̀ɲkwetə gha ghu.

¹⁷ Kaa si bə aa bə mə mə wï'i ǹlɔɔ ni ̀njoo jya jïi mə ni fa ni a mbo m̀e aa b̀e, àyoo yïi mə mə b̀aɲnè ǹlɔɔ aa, à ni m̀bɔɔnə yïi mə ni ̀ɲkwere ghu ̀ɲku'usə ni ibɔɲ yïi mə i kuu ni abàa bù ǹlonə akwetè yïi mə ni fa ni a mbo m̀e aà.

¹⁸ Wá ̀njoo jya jïi mə ni k̀i too a mbo m̀e aa, i k̀i bùrə ̀ɲgha'a ntsyatə a j̀aɲ yïi mə m̀e k̀i si lòò aà. Wa m̀e si ayoo dàɲ bu mboɲə nlon mə m̀e kwere ̀njoo jya jïi mə ni k̀i tòo Epafroditus mə tâ à zi mfa a mbo m̀e aà. I bə aa njoo mmà'anwï jï l̀umtə, m̀bə njoo ntɔɔ mmà'a Nwï jïi mə i ku'unə, mboɲ a nu Nwï aà.

¹⁹ Nwïɲgòɲ ghà à tswe ni àfù'ù a burè ̀ɲgha'a kaa wa'á a nswonə b̀e, a ka fa njod tsim jïi mə ni boɲə aa a mbo bù a ̀ɲj̄m Kristo Yesu.

²⁰ Tá bï'inè ka gha'asə n̄i Nwïɲgòɲ Taà yï'inè a ̀ɲgòɲ b̀inòò b̄i tsim, ǹlwi'i n̄i kòɲə. Amen.

Atsà'at̀e yi ǹlwï'i ̀ɲj̄m

²¹ Tsà'at̀e ni b̀e bi Nwï bitsim a mum Kristo Yesu. B̄il̄m bi'inè b̄i mə b̄i'ibo tswe faà aa, bo k̀i ntsà'at̀e ghuu.

²² Bè bi Nwï bi tsim bi tsà'at̀e ghuu, bya b̄i mə bi tswe a ndùgə Kaisa aa bo nan̄sə ntsà'at̀e ghuu.

²³ Tá ibɔɲ Mmà'àmbi Yesu Kristo tâ i tswe a mbo bù.

Bafut
Bafut: N̄toò Kristo yî N̄sigìnè: mìkàà yî mfì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

5d039b4a-c9a1-50b1-8a61-176cf48aa271